

## Prestasietoets prosedures: Prestasietoets telers

Alle BLUP deelnemers en Veldramklubs sal voortaan slegs van die Logix stelsel gebruik maak. Dit behels dat alle woltoets monstere en gegewens direk na die Woltoetsburo (WTBSA) in Port Elizabeth versend word en alle prestasiedata deur SA Stamboek (SASB) in Bloemfontein verwerk, aan deelnemers gestuur en op Logix beskikbaar sal wees. Merino SA het beding vir hierdie diens en lede hoef geen aansluitingsvorme te teken nie. Ander / *ad hoc* toetse kan deur WTBSA / SASB OF LNR (Vagtoetsentrum) verwerk word en die data dus by Logix OF Intergis gestuur word. Lede wat data laat verwerk by Stamboek sal 'n R250 heffing plus R4 per ooi per jaar betaal. Lede wat slegs wolontledings laat doen word deur WTBSA faktureer, en nie ook vir enige fooie aan Stamboek nie.

Lees asseblief onderstaande inligting tesame met **Besendings Inligtingsvorm 1** en **Inligtingsvorm 2 & 2A**. Hierdie vorms is ook op Merino SA en WTB se webblaaie beskikbaar.

### 1. Aanvang periode

- **Eerste skeer:** Die lammers moet op dieselde dag geskeer word en moet daarna onder dieselfde voedings- / omgewingstoestand vir 'n periode van ten minste 180 dae getoets word

### 2. Toetsperiodes

- **Woltoetsperiode:** Die woltoetsperiode van 'n **minimum periode van 180 dae** begin op dag wanneer lammers vir die eerste keer geskeer is
- **Liggaamsmassa-toetsperiode:** Die afsluit-liggaamsmassa na afloop van 'n **minimum periode van 150 dae**, moet ook op 'n 12-uur leë-pensinhoud (ingekraalde sonder enige kos- of water-toestand) geneem word
- Diere wat saam getoets word moet in slegs een bestuursgroep wees en moet te alle tye in dieselfde trop loop en dieselfde bestuur geniet
- 'n Minimum **toetsgroep-grootte** van **20 diere** word vereis
- Die jongste dier in die toetsgroep mag nie jonger as **280 dae** wees nie

### 3. Insameling van prestasietoets data

- **Wolmonster:** Die grootte van die midrib-monster moet minstens **30 gram** wees. Neem alle wolmonsters op die korrekte midrib-posisie. Die volledige ID nommer (KKM – Jaar - Volgnommer) moet by elke wolmonster verpak wees
- **Liggaamsmassa:** 'n Finale liggaamsmassa, na verloop van 'n minimum periode van 180 dae, word benodig. Liggaamsmassas moet op 'n 12 uur-leë-pensinhoud (ingekraalde toestand sonder enige kos of water) geneem word
- **Vagmassa:** Weeg alle wol (miskloste uitgesluit) tot minstens 0.1 kg akkuraat na afloop van 'n minimum wolgroeiperiode van 180 dae. (Akkurate vagweging is baie belangrik)
- Elke dier se wolmonster, asook ingesamelde data, moet versend word na:

#### Per Pos na:

S.A. Woltoetsburo  
Posbus 1867,  
PORT ELIZABETH  
6000

#### Per Koerier na:

S.A. Woltoetsburo  
H/v Gomery ave. & University way  
Summerstrand  
PORT ELIZABETH  
6000

#### S. A Woltoetsburo se verdere besonderhede:

Kontakpersoon: Johan Barkhuizen  
Telefoonnommer: 0415036600  
e-pos adres: [fleece@wtbsa.co.za](mailto:fleece@wtbsa.co.za)  
web adres: [www.wtbsa.co.za](http://www.wtbsa.co.za)

*of*

Kontakpersoon: Glenda Pietschman  
Telefoonnommer: 0415036622

e-pos: [glenda.pietschmann@wtbsa.co.za](mailto:glenda.pietschmann@wtbsa.co.za)  
Faks: 0415832994

Met versending van wolmonsters moet seker gemaak word dat die *Besendings Inligting Vorm 1* asook *Prestasie inligting Vorms 2 & 2a* volledig voltooi word en tesame met die wolmonsters versend word. (Hou afskrif in veilige bewaring)

#### **Besendings Inligting Vorm 1:**

- Alle besonderhede van die lid moet voltooi word – maak seker dat e-pos adres, waarheen verwerkte data gestuur moet word, voltooi is
- Maak seker dat blokkies gemerk word van watter toetse verlang word – aanbeveling is dat blokkies vir veseldikte, skoonopbrengs en stapellengte gemerk word

#### **Prestasie inligtings Vorms 2 & 2a:**

- Voltooi bladsy nommer asook aantal bladsye wat inligting beslaan
- Voltooi omgewingskode en groep waarin diere geloop en bestuur is. As die ooie in twee verskillende troppe in twee verskillende tipes veld geloop het dan is daar twee verskillende omgewingskodes en twee verskillende groep nommers
- Voltooi die twee datums waarop diere geskeer is
- Verskaf net 'n nommer, in numeriese volgorde, om die aantal diere aan te dui
- Die skaap se ID nommer, in numeriese volgorde, van elke dier wat getoets is
- Die geboortestatus van die dier (indien bekend)
- Die ouderdom van die dier se moeder (indien bekend) - lammers van jong en ouer ooie se data moet verskillend verwerk word
- Die afsluit liggaamsmassa van elke dier, tot naaste 0.5 kg, word ingevul
- Die ruvagsmassa van elke dier, tot naaste 0.1 kg, word ingevul
- By graad veld word die punte toegeken vir wol (eerste) en bouvorm (tweede), direk langs mekaar, ingevul
- Die dier se vaar se ID nommer (indien bekend)

#### **4. Ontvangs van verwerkte data**

Prestasietoets Telers sal hulle verwerkte data direk vanaf S A Stamboek terug ontvang en indien daar enige navrae is, skakel asseblief vir Herman Labuschagne by S A Stamboek by die volgende adres:

##### **S A Stamboek**

Produksie-aantekening

Posbus 270

BLOEMFONTEIN

9300

Tel. 051-4100900

Faks: 051-4473964

Web: [www.studbook.co.za](http://www.studbook.co.za)

##### **Navrae:**

Herman Labuschagne:

[herman@studbook.co.za](mailto:herman@studbook.co.za)

of

Kleinvee afdeling

[smallstock@studbook.co.za](mailto:smallstock@studbook.co.za)

#### **5. Addisionele inligting:**

Wegingsfaktore wat gebruik word is

1LM + 6SVM – 3VD

**Ander belangrike aangeleenthede van Merino SA wat nou gekoppel is aan die doeltreffende funksionering van Veldramklubs en Prestasietoetsprosedures**

#### **Die amptelike metode vir die identifikasie van Merino skape**

Merino S.A. vereis dat elke Merino wat as stoet gebore is permanent geïdentifiseer sal word met 'n identifikasie nommer wat bestaan uit drie dele nl:

- Registrasienuommer van stoet
- Jaar van geboorte
- Volgnommer

Voorbeeld:    Reg. Stoet nr    +    Jaar van geboorte    +    Volgnommer    = I.D.  
                   1832                    +            11                    +            0123                = 1832060123

Let asseblief daarop dat

- Die dier se identifikasie nommer moet soos bo op alle dokumente aangeteken word
- “Byname” mag nie gebruik word vir identifikasie doeleindes nie
- Ramme aangekoop by ander telers behou hulle oorspronklike identifikasie nommers
- Toetsnommers voorsien by Merino Veldram Klubs moet van rekord gehou word om dit te koppel aan die oorspronklike identifikasie nommer vir verwysings doeleindes

## **Punte toekenning vir Wol en Bouvorm**

By keuring van skape voordat prestasie data ingesamel word moet ‘n wol- en bouvorm punt toegeken word aan alle diere (ramme sowel as ooie – prulle ingesluit). Die toekenning van punte moet behartig word deur ‘n geakkrediteerde Merino adviseur maar waar twee of meer telers se diere aanwesig is (by Merino Veldram Klubs), deur twee geakkrediteerde Merino adviseurs. Punte vir wol en bouvorm word as volg toegeken:

1 – 2	Swak
3 – 4	Onder Gemiddeld
5	Gemiddeld
6 – 7	Bo Gemiddeld
8 – 9	Uitstekend

## **Prestasietoets inligting in veilingkatalogus**

Tot dusver was drie amptelike katalogus formate beskikbaar naamlik Volledig, BLUP syfers en Indekse (Sien voorbeelde – addendum).

Lede het verskillende behoeftes wat katalogusse betref bv. vir BLUP-, Veldram- en *Ad hoc*- prestasietoets deelnemers. Verskeie katalogus formate sal via Logix beskikbaar gestel word vir amptelike gebruik vanaf 2013:

- Volledig, met BLUP waardes, indekse en gemete (boekieformaat) en is reeds beskikbaar. Die klub / teler stuur ‘n lys met lotnommers en ooreenstemmende ram ID nommers aan Stamboek waaruit die katalogus genereer word. Dit sal verseker dat data deur ‘n geakkrediteerde instansie verskaf word en geverifieër is
- Lyn formate met verskillende opsies

Bestaande voorskrifte vir katalogus inligting:

Essensieël

- Liggaamsmassa-indeks / afwyking
- Skoonvagmassa-indeks / afwyking
- Veseldikte-indeks / afwyking
- Gemiddelde daaglikse toename (GDT) – indeks / afwyking

Opsioneel

- Veseldikte in katalogus - slegs werklike veseldikte van vag op die skaap tydens die veiling mag gewys word, geneem een maand voorafgaande die veiling
- Seleksie indeks / Relatiewe Ekonomiese Produksiewaarde
- Stapellengte-indeks
- Kartel / Veseldikte afwyking
- Liggaamsmassa met veiling
- Die toets en waarborg van ramme vir geslaggeskiktheid soos deur Merino S.A. aanbeveel

- Ramme wat buite die volgende toetsgrense val weens moontlike data/foute, se indekse word weggelaat uit die katalogus: Indekse **laer as 70 of hoër as 160** behalwe plooitelling en GDT

### **Meriete ramme**

- Huishoudelike aangeleentheid volgens die diskresie van Veldramklub/bestuur
- Meriete ramme moet egter volgens beskikbare prestasie-toets resultate 'n minimum seleksie indeks persent van 100 behaal

### **Silwer meriete ramme**

- Alle Silwer meriete sertifikate word deur Merino S.A. uitgereik
- Die boonste 20% van alle ramme in die toetsgroep kom volgens rangorde in aanmerking vir Silwer meriete status
- Uit bovermelde groep (boonste 20%) moet 'n ram ook aan elk van die vereistes voldoen ten opsigte van Seleksie-, Liggaamsmassa-, GDT-, Skoonvagnmassa- en Veseldikte indekse, asook vir plooitelling, prulfoute, visuele beoordeling en toetsgroep grootte, ten einde Silwer meriete status te verwerf (Sien addendum bl. 19)
- Silwer meriete ramme word slegs met finale keuring, deur 'n minimum van twee Merino SA adviseurs, albei gelyktydig teenwoordig, aangewys en kan daar onder geen omstandighede addisionele Silwer meriete ramme by 'n latere geleentheid aangewys word nie
- Alle ramme wat aan prestasietoetsing onderworpe was en aan bovermelde vereistes voldoen, kan as Silwer meriete ramme aangewys word. Dit sluit ramme op 'n spesifieke plaas of produksieveling ens. in
- Voorsien die Merino S.A. kantoor so spoedig moontlik na finale keuring van Silwer meriete ram inligting, op die amptelike vorms, ten einde toepaslike sertifikate tydig uit te reik
- Alle data moet sentraal deur SASB verwerk en gestoor word om vir Silwer meriete status te kwalifiseer

## **Ander belangrike aangeleenthede van Merino SA wat nou gekoppel is aan die doeltreffende funksionering van die Merinoplan**

### **Die “Shepherd” Rekenaarprogram**

Die neem van rekords van individuele diere is nie alleen duur nie, maar neem ook baie tyd in beslag. Die doel hiervan moet dus wees om maksimum bruikbare inligting in te samel en hierdie inligting dan effektief te gebruik. Ordelijke rekordhouding begin op die plaas. Om hierdie proses te vergemaklik, asook om waarde tot bestaande inligting te voeg, is die “Shepherd” rekenaar program spesifiek vir kleinveetelers ontwikkel en voldoen aan die volgende vereistes:

- Plooibaarheid om aan verskillende behoeftes te voldoen
- Elektroniese instuur en ontvang van data
- Gereelde opdatering om nuwe tegnologie te benut

### **Standaard inspeksie prosedures vir alle amptelike Merino veilings**

Die amptelike inspeksievorms soos voorsien deur Merino SA moet voltooi word by alle amptelike veilings waar ramme en/of ooie onder beskerming van Merino SA aangebied word. Amptelike veilings sluit in: Produksie-, Groep produksie-, Veld ram- asook Herfs/Lente ram veilings

- Die inspeksie moet behartig word deur ten minste twee geakkrediteerde Merino adviseurs
- 'n Teler(s) mag Merino adviseurs van sy / hul keuse gebruik
- Reëls van toepassing op publiserings van data per veilings katalogus moet streng nagekom word
- BLUP Silwer en Silwer meriete ramme mag slegs tydens finale inspeksie aangewys word
- Die besluite van geakkrediteerde Merino adviseurs is bindend en geen appél mag teen enige besluit ingedien word nie
- Die voltooiing van inspeksie verslae asook aansoekvorms vir goedkeuring van Silwer meriete en BLUP Silwer meriete ramme op goedgekeurde vorms (beskikbaar by Merino SA kantoor), moet so

spoedig moontlik na inspeksie aan Merino S.A. kantoor gestuur word vir kontrole, verifiëring en uitreiking van sertifikate

**Aansoeke** moet die volgende insluit:

- Prestasie of BLUP data (EBV's) van kwalifiserende ramme
- Analise verwysingsnommer / datum
- Telers en veilingsbesonderhede
- Onderteken deur Merino adviseurs wat inspeksie uitvoer

## **Reëls van toepassing op die publisering van BLUP en Prestasietoets data per veilings katalogus**

Die teler / verkoper en betrokke afslaer kom tydens ondertekening van die veilingsmagtiging ooreen op 'n datum waarop die volgende inligting aan die afslaer deurgegee sal word ten einde die tydigte en volledige opname van data per amptelike veilingskatalogus te verseker:

Die volgende inligting moet deur alle telers verskaf word.

- Geregistreerde teler besonderhede en adres
- Geregistreerde Merinostoet besonderhede en nommer
- Skeerdatum/s van toepassing op diere onder die hamer
- Inenting(s) en behandeling(s) ontvang
- Lotnommers met ooreenstemmende dier ID nommers soos amptelik in gebruik
- Algemene inligting bv. beknopte stoetgeskiedenis, teeldoelwitte en kuddeprofiële.

Addisioneel tot bogenoemde sal die volgende deur telers wat Prestasietoets en deelneem aan die nasionale Merino BLUP program verskaf word. Dit sluit Merino Veldramklubs in.

- Die analise verwysingsnommer en datum van toepassing op die datastel ten einde die onafhanklike verwerking en egtheid van inligting te staaf asook vir verifikasie doeleindes. Hierdie nommer en datum moet op die voorblad van alle katalogusse van toepassing aangebring word.
- BLUP en/of prestasiedata asook veseldikte inligting wat aan die voorgeskrewe vereistes van Merino S.A. voldoen

Sou dit wel gebeur dat enige foute in die katalogus voorkom of die korrekte gegewens nie dadelik beskikbaar is nie, moet dit per addendum tot die katalogus op die dag van die veiling aan voornemende kopers beskikbaar gestel word

Die **Teler / Verkoper** is verantwoordelik en aanspreeklik vir die korrektheid van die inligting in die katalogus, in besonder syfers wat kopersbesluite mag beïnvloed en daarom is die Teler / Verkoper dus verantwoordelik om toe te sien dat alle amptelike veilingskatalogusse hetsy voor of na die veilingsdatum aan die kantoor van Merino S.A. gestuur word vir kennisname, verifikasie en argief doeleindes.

Die Teler / Verkoper is verder ook verantwoordelik om toe te sien dat toepaslike foto(s), geneem word en met byskrifte versend word na die kantoor van Merino S.A. binne een maand na die veiling

Dit is die verantwoordelikheid van die **Afslaer** om:

- Die invul van die Merino S.A. veilingsvorm te hanteer en toepaslike inligting te versend na die kantoor van Merino S.A. binne een maand na die veiling
- In samewerking met Merino SA twee Merino adviseurs beskikbaar te stel om namens Merino S.A. by die veiling op te tree